



En lünesc, al 16.01.2017 complësc **Emilio Burchia** da Pescolderunch **82** agn y en domënia, ai 22.01.2017 **Agnes Granruaz** da Paracia **83** agn. Le Senioreclub y düta la Comunité ti aoda dü't l'bun, sanité y benedisciun de Dî.

Scolina: les iscriziuns ala scolina por l'ann 2017/18 vëgn tignides en lünesc ai 16 de jená dales 09:30 ales 11:00 y en mertesc ai 17 de jená dales 14:45 ales 15:45 te scolina.

Al pó gní scrit ite düc i mituns y les mitans che complësc i 3 agn anter forá 2018. Al vëgn damané l'codesc fiscal dl müt o müta.

Vacanzas al mer dla Caritas " 12 stelle": ciafëise informaziuns söi jorantins a pe de dlija.

Le grup de tëmp lëde „Atmosfera“ por jënt cun problems psichics se incunta en jöbia ai 19 de jená 2017. An depënjerá sön sëda le cheder metü man dan Nadé. I se incuntun dales 15:30 cun Irina Tavella tla sënta dl Raiun Sozial Val Badia a Picolin. Informaziuns pro Sabine Rainer tel. 0474/524519. Düc/dötes é dër bel inviá/des.


La Müjiga de Badia inviëia düc i geniturs che á mituns/mitans, che sona n stromënt dla musiga o che oress nen soné un, a na sëra d'informaziun, en mertesc ai 17 de jená dales 20.00 tla Ciasa dles Uniuns. L'uniun tól ciamó l'ocajun da Ves rengrazié por la spënora trata ite cun l'aziun di calëndri.

Sessiun forestala por l'ann 2017: la Staziun verdabosc da La lla lascia alsavëi che la sessiun forestala por i comuns de Badia y Corvara vëgn tignida en jöbia ai 19.01.2017 dales 20:00 tl salf dla Ciasa Jan Batista Runcher a S. Linert. Düc é dër bel inviá a tó pert ala sessiun forestala, olache al gnará traté argomënc dl setur forestal, agrar y dl ambiënt.

Impressum: Ploania Badia, redaziun Cristina Frena

Comunicaziuns cina jöbia sëra a parrocchiabadia@libero.it o frencri49@gmail.com

Download plata: www.valbadiaonline.it/comunita/ploanies/ploanies/ploania-badia.html



Plata dla Ploania

Badia

San Iaco - San Linert

Ploan: **Siur Iaco Wendelin Willeit**
 Calonia Badia: **0471/839571**
 E-Mail: **parrocchiabadia@libero.it**
 Radio dla Ploania: **91,10 Mhz**

UNITÉ PASTORALA



www.unitepastorala.org

Ann A 15.01. - 22.01.2017 2° Domënia dl ann „A“ n. 08

Domënia dla Bibia

Lí la Sacra Scritöra o dí jí a damané consëi a Gejú Crist.
San Francësch d'Assisi



Vangelo della prossima domenica - 3ª dell' anno „A“ Mt. 4,12-17

Quando Gesù seppe che Giovanni era stato arrestato, si ritirò nella Galilea, lasciò Nazaret e andò ad abitare a Cafarnaon, sulla riva del mare, nel territorio di Zabulon e di Neftali, perché si compisse ciò che era stato detto per mezzo del profeta Isaia: «Terra di Zabulon e terra di Neftali, sulla via del mare, oltre il Giordano, Galilea delle genti!

Il popolo che abitava nelle tenebre vide una grande luce, per quelli che abitavano in regione e ombra di morte una luce è sorta».

Da allora Gesù cominciò a predicare e a dire: «Convertitevi, perché il regno dei cieli è vicino.

FUNZIUNS SACRES

15.01. 2^a DOMÈNIA dl Ann A – Domènia dla Bibia/De di migranc

- 09.30 *Corona por la defunta Nane Granruaz Pitscheider*
10.00 Mëssa por la Comunità
15.00 Ora de adoraziun
18.00 †to siur Laurënz Irsara
†ti Tone y Rosina Pitscheider
†ta Franca Sernesi

16.01. Lünesc

- 14.00** *Mëssa cun le Senioreclub (tla Ciasa Runcher)*
†ta Erna Nagler
por les animes dl purgatore

17.01. Mertesc - S. Anton abat

- 19.30 †ti Serafin y Franz Trebo - aniversar
†to Paul Frenademetz
†to Giovanni Thaler - aniversar

18.01. Mercui - **Mët man l'Edema por l'Unité di Cristians**

- 07.30 *Mëssa cun i scolars dla elementara*
†ta Emma Winkler - aniversar
†ti Angela, Vijo y Paula Pizzinini – aniversar
por fam. Otto y Frida Frenademetz

19.01. Jöbia -

- Mëssa cun i crejimá y crejimanc*
19.30 †ta Anna Pizzinini Irsara - aniversar
†to Giovanni Thaler – aniversar
por fam. Laurënz y Hannele Irsara

20.01. Vëndres – S.Fabian y Sebastian

- 07.30 †ta Nane Granruaz Pitscheider - **otavare**
†to Erich Dapunt
por fam. Eduard y Nina Tavella


21.01. Sabeda – S.Agnes

- 16.00 Mëssa a Oies

22.01. 3^a DOMÈNIA dl Ann A

- 10.00 Mëssa por la Comunità
18.00 †ta Nane Granruaz Pitscheider
†ti Valentin de Val y Schanung
†ti Thaler y Soppera

Dala VITA dla CÛRA



En lünesc, ai 9 de jená 2017, á cialfé l'Sacramënt dl **BATO** l'müt **Nathan James** de Harald Valentin y Nadzeya Paulovich. Al pice che tolun sö cun ligrëza te nosta comunité y a sü geniturs les mius audanzes.

Consëi de Cûra: al é gnü sposté l'ultima edema y al se abina en mertesc, ai 17 de jená, dales 20:00 te calonia. Al gnará fat, tra l'ater, la programaziun ti grups de laur.

Senioreclub: se abinun en lünesc ai 16 de jená dales 14:00 te Ciasa dles Uniuns. Siur Degan zelebrëia la S.Mëssa y spo stunse adüm por n bun te y valch lapró. Aldiarun ince i auguri che s'é gnüs mená. Düc é inviá y bëgnodüs.

“Aziun di 3 Resc”: dër bel giulan ales families y porsones che á dé la bela oferta de 9.992,09 €.

N rengraziamënt particular ales mitans dla Schira Jonila y a sü acompagnadus che é jüs fora por les ciases.

L'program dles Festes y Prozesciuns 2017 é taché sö dan dlijia. Recordun che la Prüma S. Comuniun sará ai 14 de ma 2017 y la Crejima ai 28 de ma 2017.

Domènia dla Bibia, chësta domènia ai 15 de jená: por chësta ocasiun cialfëise l'quiz dla bibia da scrí fora. Toleda pert dër tröc !

EDEMA de ORAZIUN por l'UNITÉ di CRISTIANS

18 – 25 de jená 2017.

